


91 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი, გაზეთი „ჩხარის კოლმეურნე“.



# 91 წელი თქვენთან ერთად!



„არს მთის კალთას, სკანდას, სასახლე მფეფთა და ციხე დიდი, დიდშენი“  
ვანუშუტი პაპრატიონი

# თერჯოლა

Facebook გაზეთი თერჯოლა  
[www.nplg.gov.ge](http://www.nplg.gov.ge)  
[www.terjola.gov.ge](http://www.terjola.gov.ge)

საზოგადოებრივი გაზეთი • გამოდის 1933 წლიდან • №15 (7114) 1 აგვისტო 2024 წელი



### 2024 წლის 26 ოქტომბერი საქართველოს პარლამენტის არჩევნების დღეა!

საქართველოს პარლამენტის 2024 წლის 26 ოქტომბრის არჩევნებზე, ისტორიაში პირველად, ამომრჩეველთა თითქმის 90% ხმის მიცემას ელექტრონული ტექნოლოგიების გამოყენებით შეძლებს

საერთაშორისო თეატრალური ფესტივალი  
თეატრალური იმერეთი—2024



### ამბები თერჯოლის მუნიციპალიტეტიდან

### წინ მრავალი ვნებათაღელვა გველის ზაფხულის ოლიმპიური თამაშები გაიხსნა!



26 ივლისს, პარიზში ზაფხულის ოლიმპიური თამაშები საზეიმოდ გაიხსნება. თამაშებში მონაწილეობას ღებულობს საქართველოს 28 სპორტსმენი. ვუქომაგოთ ჩვენს ოლიმპიელს! წარმატებაში ვუსურვოთ საქართველოს წარგზავნილებს პარიზში!

### ჩვენთან არს ღმერთი!

საუკუნის შემდეგ გოფანმთის წმიდა გიორგის სახელობის ტაძარში წირვა-ლოცვა აღესრულა...

### მოსწავლეთა საზაფხულო ბანაკი „წინველები“

საზაფხულო ბანაკი, 25 ივლისს, ქალაქ თერჯოლაში, ლაშა გოგიაშვილის სახელობის სკვერში გაიხსნა. დაწვრილებით მომავალ წომეარში.

# ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“ გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

## სტიქიის შედეგების სალიკვიდაციოდ

მიმდინარე წლის განვლილ პერიოდში, თერჯოლის მუნიციპალიტეტის, ისევე როგორც ჩვენი მეზობელი რაიონების ცალკეულ სოფლებს, თავს სამჯერ დაატყდა სხვადასხვა სახის სტიქიური მოვლენა. იანვრის თვეში ძლიერმა ქარებმა, თებერვალში კი წყალდიდობებმა მნიშვნელოვნად დააზარალა საცხოვრებელი სახლები, საგზაო ინფრასტრუქტურა, ხიდ-ბოგირები. 9 ივნისს მოსულმა სეტყვამ კი საგრძნობი ზიანი მიაყენა ქალაქ თერჯოლის, ღვანკითის, რუფოთისა და ალისუბნის მოსახლეობის 1500-მდე ოჯახს. კერძოდ: დაზიანდა ერთნაირი კულტურის ფართობები, ვაზი და ხეხილი.

ჩვენი გაზეტი არაერთხელ იტყობინებოდა ამ სტიქიური მოვლენების თაობაზე, რომელთა მიერ მიყენებული ზარალის მნიშვნელოვანი ნაწილის აღმოფხვრა უკვე დაწყებულია. ეს განსაკუთრებით ითქმის ქარებისა და წყალდიდობისაგან მოყენებულ დაზიანებებზე. აღნიშნული მიმართულებით გამოყოფილია მილიონ ას ხუთი ათასი ლარი. აქედან, სამუშაოები უკვე აქტიურად მიმდინარეობს სახლების სახურავების სარეაბილიტაციოდ. მალე ტენდერების შედეგების გათვალისწინებით დაიწყება საგზაო ინფრასტრუქტურის მოწესრიგებაც.



ამ ეტაპზე თერჯოლის მუნიციპალიტეტში სტიქიის სალიკვიდაციო ღონისძიებების ფარგლებში 10 კერძო და 5 საერთო საცხოვრებელი სახლის სახურავის სარეაბილიტაციო სამუშაოები აქტიურად მიმდინარეობს.

ამ დღეებში, საცხოვრებელი სახლების სახურავების რეაბილიტაციის პროცესი ქალაქ თერჯოლასა და სოფელ თუშში, მუნიციპალიტეტის მერმა, მანუჩარ რობაქიძემ პირადად მოინახულა საკრებულოს თავმჯდომარის მოადგილე ნინო ჩხიკვაძესთან ერთად. თერჯოლის მუნიციპალიტეტში, 15 საცხოვრებ-

ბელი სახლის რეაბილიტაციისათვის, ცენტრალური ბიუჯეტიდან 270 000 ლარამდე თანხა დაიხარჯება.

ობიექტებზე მერთან ერთად იმყოფებოდნენ ქალაქ თერჯოლის მაჟორიტარი დეპუტატი, ელისო მურადაშვილი, მერიის სივრცითი მონყობის, ინფრასტრუქტურისა და არქიტექტურის სამსახურის ხელმძღვანელის მ/შ გოდერძი თურქაძე, მერის წარმომადგენლები კონსტანტინე ძონენიძე და მამუკა გოგბერაშვილი.

## სიახლე ენერგომომარაგებაში

თერჯოლის მუნიციპალიტეტში, სოფელ ახალთერჯოლაში მზის სისტემის ელექტროსადგური ამოქმედდა. საწარმო, პირველ ეტაპზე, 200000 კილოვატ ელექტრო ენერგიას გამოიმუშავებს.



ელექტროსადგური კომპანია „ჯითი სოლარმა“ დამონტაჟა. პროექტი მოსახლეობის ელექტროენერგიით მომარაგების გარდა, მუნიციპალიტეტში ბიზნესის ხელშეწყობას ემსახურება.

კომპანიის წარმომადგენლების განცხადებით, ორი წლის შემდეგ ინვესტიციის მოცულობა გაორმაგდება, რეგიონში არსებული დიდი პოტენციალის გათვალისწინებით, მათი თქმით, ელექტრო სადგურების მშენებლობა გაგრძელდება.

ახალთერჯოლის ელექტროსადგურის გახსნას, მუნიციპალიტეტის მერი, მანუჩარ რობაქიძე, ადგილობრივი ხელისუფლების წარმომადგენლებთან ერთად დაესწრო.



# თერჯოლამ საქართველოს სამბისტ კადეტებს უმასპინძლა



14 ივლისს, თერჯოლის სპორტის სასახლეში, საქართველოს პირველობას უმასპინძლა სამბოში, კადეტებს შორის. შეჯიბრი 2008-2009 წლებში დაბადებულ სპორტსმენებს შორის გაიმართა და მასში საქართველოს მასშტაბით, 100-მდე მონაწილე იყო ჩართული. გამოვლინდნენ გამარჯვებულები, რომლებიც თერჯოლის მუნიციპალიტეტის მერმა, მანუჩარ რობაქიძემ დააჯილდოვა, მერის განათლების, კულტურის, სპორტისა და ახალგაზრდულ საქმეთა სამსახურის ხელმძღვანელთან, მაკა ასათიანთან ერთად. ტურნირის მასპინძლის, თერჯოლელი სპორტსმენების შედეგები:

ნიკა ბრეგვაძე 64 კგ, ნონი კატეგორიაში გახდა საქართველოს ჩემპიონი! თამარ ზარნაძე (52 კგ)—მეორე ადგილი. ნათია სვანიძე (47 კგ) და დიანა ქასრაშვილი (59 კგ)—მესამე ადგილები. ნიკა ბრეგვაძე მონაწილეობას მიიღებს მსოფლიო ჩემპიონატზე, რომელიც გაიმართება კვიპროსში. ჩემპიონატი კადეტებს შორის, საქართველოს სამბოს ეროვნული ფედერაციის ორგანიზებით და თერჯოლის მუნიციპალიტეტის მერიის მხარდაჭერით ჩატარდა.

## ცხელი ზაფხულის დღეებში

თერჯოლაში, ამ ზაფხულისთვის, ბევრი საინტერესო მასობრივი ღონისძიება დაგეგმა მუნიციპალიტეტის თვითმმართველობამ. სპორტულ შეჯიბრებებთან ერთად იმართება სხვადასხვა სახის კონცერტები, დატვირთული სკვერები, მინი სპორტული მოედნები და სხვა მასობრივი თავშეყრის ადგილები.

გასულ თვეში ჩატარებული არაერთი ასეთი სახის ღონისძიებიდან ერთ-ერთი გამორჩეული იყო მომღერალ ნუკრი კაპანაძის საიუბილეო კონცერტი, რომელიც ლაშა გოგიაშვილის სახელობის სკვერში ჩატარდა.



მშობლიური იმერეთიდან, ქალაქ თერჯოლიდან აიღო სტარტი ნუკრი კაპანაძის საიუბილეო კონცერტების ტურნემ.

კონცერტი, სახელწოდებით „სიმღერით ნათქვამი“, თერჯოლელი მაცურებლისთვის ქართული ესტრადის მომღერალმა, უცვლელ სასცენო პარტნიორთან, ნინო გულიაშვილთან და ბენდთან ერთად წარმოადგინა.

ერთსაათიან მუსიკალურ ღონისძიებაზე, რომელიც შოი აბრახამიას მიჰყავდა, წარმოდგენილი იყო მომღერლის რჩეული რეპერტუარი. მაცურებელს საშუალება მიეცა, ნუკრი კაპანაძის კარგად ნაცნობი და საყვარელი სიმღერები, ასევე ახალი ჰიტების არაჩვეულებრივი ვერსიები მოესმინა.

კმაყოფილმა მაცურებელმა კარგად ნაცნობი მომღერალი სოცვარულითა და მოწონების აპლოდისმენტებით გააცილა სცენიდან.



ნუკრი კაპანაძის საიუბილეო კონცერტი, კულტურისა და სპორტის სამინისტროს და თერჯოლის ადგილობრივი თვითმმართველობის ერთობლივი მხარდაჭერით, ლაშა გოგიაშვილის სახელობის სკვერში, ამფითეატრის სცენაზე გაიმართა და მას მოქალაქეებთან ერთად მუნიციპალიტეტის მერი, მანუჩარ რობაქიძე და საკრებულოს თავმჯდომარე, გიორგი ბარათაშვილი ესწრებოდნენ.

# 26 ოქტომბერი საქართველოს პარლამენტის არჩევნების დღეა!

## საქართველოს პარლამენტის 2024 წლის 26 ოქტომბრის არჩევნებზე, ისტორიაში პირველად, ამომრჩეველთა თითქმის 90% ხმის მიცემას ელექტრონული ტექნოლოგიების გამოყენებით შეძლებს

მომავალი არჩევნების ამ სიახლეებზე და დღემდე ამომრჩეველთა ინფორმირებისათვის განხორციელებულ აქტივობებსა და არჩევნებთან დაკავშირებულ სხვა მნიშვნელოვან საკითხებზე ესაუბრება ჩვენი გაზეთის ჟურნალისტს თერჯოლის საოლქო-საარჩევნო კომისიის თავმჯდომარე ქალბატონი ნაზი სირაძე.

საქართველოს ორგანული კანონის, „საქართველოს საარჩევნო კოდექსის“ შესაბამისად, N49 თერჯოლის საოლქო-საარჩევნო კომისიის მიერ მიმდინარე წლის 15 მარტს მიღებულ იქნა განკარგულება „N49 თერჯოლის საოლქო საარჩევნო კომისიის 2023 წლის 7 თებერვლის NO1/2023 განკარგულებაში ცვლილების შეტანის შესახებ“, აღნიშნული განკარგულების შესაბამისად თერჯოლის ტერიტორიაზე შეიქმნა 30 საარჩევნო უბანი.

24 საარჩევნო უბანზე არჩევნები ჩატარდება ელექტრონული ტექნოლოგიების გამოყენებით, ხოლო დანარჩენ 6 უბანზე კანონმდებლობაში განხორციელებული ცვლილებების შესაბამისად, ტრადიციული წესით. ეს უბნებია: №09 გოდოგანი, №10 ნავარევი, №18 კვახჭირი, №19 კვახჭირი, №20 ნახშირღლევი, №27 ჭოგნარი.



ელექტრონულ არჩევნებში გამოყენებული იქნება საბიზნეს-სხვადასხვა ელექტრონული მოწყობილობა: ვერიფიკაციის აპარატი, ხმის დათვლის ელექტრონული აპარატი და პლანშეტი.

ვერიფიკაციის აპარატი წარმოადგენს ელექტრონულ საშუალებას, რომელშიც ჩატვირთულია კონკრეტული საარჩევნო უბნის ამომრჩეველთა ერთიანი და სპეციალური სიები. ის წარმოადგენს ავტომატურად საშუალებას, რომელმაც ჩაანაცვლა მატერიალური სახის ამომრჩეველთა საშუალებო სია. ყველა საარჩევნო უბანში ვერიფიკაციის აპარატების წარდგენა განისაზღვრება ამომრჩეველთა რაოდენობის მიხედვით.

ხმის დათვლის სპეციალური ელექტრონული აპარატი, საშუალებას იძლევა ხმის დათვლის კონკრეტულმა აპარატმა წაიკითხოს მხოლოდ იმ საარჩევნო უბნისთვის განკუთვნილ საარჩევნო ბიულეტენებზე დატანილი ინფორმაცია, რომელ საარჩევნო უბანზეც არის გან-

თავსებული კონკრეტული ხმის დათვლის აპარატი. გარდა ამისა, ჩატვირთული პროგრამა უზრუნველყოფს აპარატმა მიიღოს და შესაბამისად ასევე აღრიცხოს ყუთში მოთავსებული ნამდვილი და ბათილი საარჩევნო ბიულეტენების რაოდენობა და დათვლოს სუბიექტების მიერ მიღებული ხმები.

ეს აპარატები მუშაობენ ერთმანეთის დამოუკიდებლად და არ არიან ინტერნეტთან დაკავშირებული.

მესამე ელექტრონული აპარატი (პლანშეტური კომპიუტერი) რომელიც გამოყენებული იქნება საარჩევნო უბანზე წარმოადგენს მოწყობილობას, რომელშიც ჩატვირთულია აპლიკაციები და საარჩევნო უბნიდან ცესკოსთვის მონაცემების გადაგზავნის ინტერნეტის საშუალებით უზრუნველყოფს.

ხმის დათვლის სპეციალური ელექტრონული აპარატიდან ექსპორტირებული ინფორმაციის გადაცემა ცესკოსთვის, ხორციელდება პლანშეტური კომპიუტერის საშუალებით, ამავე მოწყობილობის საშუალებით ხორციელდება საუბნო საარჩევნო კომისიებიდან კენჭისყრის შედეგების შემაჯამებელი ოქტების ფოტოასლების ცესკოსთვის მიწოდება.

იმ საარჩევნო უბანებზე სადაც არჩევნები ელექტრონული ტექნოლოგიების გამოყენებით ტარდება. ამომრჩეველს დახვდება ახალი სახის ბიულეტენი. საარჩევნო ბიულეტენისა და სპეციალური ჩარჩო-კონვერტის მიღების შემდეგ ამომრჩეველი შედის ფარული კენჭისყრის კაბინაში და სპეციალური მარკერის გამოყენებით ავსებს საარჩევნო ბიულეტენს, შევსების შემდეგ ამომრჩეველი საარჩევნო ბიულეტენს ათავსებს სპეციალურ ჩარჩო-კონვერტში და სპეციალურ ჩარჩო-კონვერტში მოთავსებული ბიულეტენს ათავსებს ძირითად საარჩევნო ყუთზე და მონტაჟებულ აპარატში.

ცესკოს მიერ 2023 წელს ჩატარებული ელექტრონული არჩევნებით გამოიკვეთა ელექტრონული აპარატების უპირატესობები: სწრაფი ვერიფიკაცია, რიგების არ არსებობა, შედეგების უმოკლეს ვადაში გასაჯაროება და რაც მთავარია ხმის ფარულია და ადამიანური გადაცდომების არ არსებობა.

საარჩევნო ადმინისტრაციამ, ტექნოლოგიურ სიახლეებთან დაკავშირებით მოქალაქეთა ინფორმირების კამპანიის

აქტიური განხორციელება წელიწადნახევრით ადრე დაიწყო.

აღნიშნული კამპანიის ფარგლებში თერჯოლის საოლქო საარჩევნო კომისიამ შეხვედრები გამართა სხვადასხვა დაწესებულებების თანამშრომლებთან, კერძოდ: თერჯოლის მუნიციპალიტეტის მერია და მის დაქვემდებარებაში არსებული ასპიპები (566),საჯარო სკოლების პედაგოგები (278), თერჯოლის პოლიციის რაიონული განყოფილება (35), საგანგებო სიტუაციების მართვის სამსახური თერჯოლის სახანძრო-სამაშველო განყოფილება(23), დაცვის პოლიციის განყოფილება (34),სოციალური მომსახურების სააგენტო (10), სოფლის განვითარების სააგენტოს თერჯოლის რეგიონალური სამსახური,საკონსულტაციო ცენტრი (24) საგანგებო სიტუაციების მართვის სამსახური თერჯოლის სახანძრო-სამაშველო განყოფილება(23), გადაუდებელი დახმარების ცენტრი (17),იმერეთის სამხარეო სამედიცინო ცენტრი „იმერმედი“ (60),საქართველოს კლინიკები თერჯოლის ჰოსპიტალი (32). დამსრულებს მიენოდათ დეტალური ინფორმაცია 26 ოქტომბრის პარლამენტის არჩევნებისთვის მზადების პროცესზე, ტექნოლოგიურ სიახლეებსა და ადმინისტრაციის მიერ განხორციელებულ საქმიანობებზე, გაიმართა იმიტირებული კენჭისყრაც.

მიმდინარე წლის თებერვალში N49 თერჯოლის საოლქო საარჩევნო კომისიამ საინფორმაციო შეხვედრები გამართა ბიზნესის სექტორის წარმომადგენლებთან, კერძოდ: სს „ენერჯო - პროჯორჯია“ (40), შპს „წყალმომარაგების კომპანია თერჯოლის სერვისცენტრი“ (22), შპს „სოკარ ჯორჯია გაზი“ (32), შპს „ბორანი“ (23), შპს „გამაუდი“ (22), სსკპ „ჯორჯია გენერაცია“ (35), შპს „მელვი-



ნობა ხარება“ (35), შპს „საქ-მილსადენმშენი“ (13), შპს „ჭიათურმანგანუმ ჯორჯია“ (90). საინფორმაციო შეხვედრების ფარგლებში, საარჩევნო ადმინისტრაციის თანამშრომლებმა სხვადასხვა ბიზნეს სექტორის წარმომადგენლებს მიაწოდეს დეტალური ინფორმაცია 26 ოქტომბრის პარლამენტის არჩევნებისთვის მზადების პროცესზე, ტექნოლოგიურ სიახლეებსა და ადმინისტრაციის მიერ განხორციელებულ საქმიანობებზე, გაიმართა იმიტირებული კენჭისყრაც.

ფართომასშტაბიანი საინფორმაციო კამპანიის ფარგლებში, საარჩევნო ადმინისტრაციამ მოახწო საარჩევნო ტექნოლოგიების საყოველთაო დემონსტრირება, აღნიშნული პროექტის მიზანი იყო ტექნოლოგიების დანერგვის შესახებ ამომრჩეველთა ინფორმირება და ხმის მიცემის პროცედურების პრაქტიკული უნარ-ჩვევების გაძლიერება. პროექტი 6 ივლისიდან 28 ივლისის პერიოდში განხორციელდა. იგი ყოველ შაბათ-კვირას 11 საათიდან 18:00 საათამდე ტარდებოდა. მონაწილეობის მსურველები რეგისტრირდებოდნენ შესაბამის ლინკზე <https://calendly.com/d/ck3d-mpp-4v6>.

აღნიშნული პროექტის განხორციელება მოხდა, თერჯოლის საოლქო საარჩევნო კომისიის შენობაში, მისამართი: თერჯოლა რუსთაველის N117 (კომისიის სხდომათა დარბაზი). ამომრჩევლები აქ იღებდნენ საარჩევნო ტექნოლოგიების საყოველთაო დემონსტრირებაში მონაწილეობას, ხმის მიცემის პროცედურების პრაქტიკული უნარ-ჩვევების გამოუმუშავების მიზნით. დაინტერესება და აქტივობა მაღალი იყო, მონაწილეობა მიიღეს იმ ამომრჩევლებმაც,

რომლებიც წინასწარ არ დარეგისტრირებულან შესაბამის ლინკზე. სულ მონაწილეთა რაოდენობამ 2500-მდე ამომრჩეველი შეადგინა.

გარდა ამისა, თერჯოლის საოლქო კომისიაში განხორციელდა პროექტი „საარჩევნო ადმინისტრატორის კურსები პოტენციური, საუბნო საარჩევნო კომისიის წევრებისათვის“ და „საარჩევნო ადმინისტრატორის კურსები, პოტენციური საუბნო საარჩევნო კომისიის ხელმძღვანელი პირებისათვის“.

8 ივლისიდან თერჯოლის საოლქო საარჩევნო კომისიაში მიმდინარეობს საგანმანათლებლო პროექტი „ცესკოს საარჩევნო სკოლა“. პროექტის უმთავრეს მიზანს საარჩევნო საკითხებთან და განსაკუთრებით, ტექნოლოგიებთან დაკავშირებით მონაწილეების ცნობიერების ამაღლება, ხოლო მეორე მხრივ პოტენციური საარჩევნო ადამინისტრატორების გადამზადება წარმოადგენს.

მოვუწოდებთ ამომრჩევლებს, აქტიურად ჩაერთონ და მონაწილეობა მიიღონ საარჩევნო ტექნოლოგიების საყოველთაო დემონსტრირების პროცესში და გაეცნონ საარჩევნო ტექნოლოგიებს.

### ესაუბრა შუშუნა ცხადაძე

P.S. ამ დღეებში თერჯოლის საოლქო-საარჩევნო კომისიის შენობაში ჩატარდა მორიგი აქტივობა—მოენყო იმიტირებული არჩევნები.

იმიტირებულ არჩევნებზე იმ დღეს მონაწილეობა რამდენიმე ასეულამდე პირობითმა ამომრჩეველმა მიიღო.

მათ ერთხმად დადებითად უბახუხეს კითხვას—გაუადვილდათ თუ არა კენჭისყრაში მონაწილეობის პროცესი ძველ წესთან შედარებით.

## საარჩევნო სუბიექტების საყურადღებოდ!

საქართველოს პარლამენტის 2024 წლის 26 ოქტომბრის არჩევნების საარჩევნო კამპანიის პერიოდში, საარჩევნო სუბიექტების ფასიანი და უფასო რეკლამების განსათავსებლად „თერჯოლის“ მიერ გამოყოფილი ფართების თაობაზე მიღებული გადაწყვეტილება, საკანონმდებლო მოთხოვნის შესაბამისად, ძალაშია არჩევნების საბოლოო შედეგების გამოქვეყნებამდე.

ამასთან, განვმარტავთ, რომ გაზეთის გვერდებზე რეკლამების (მე-4 გვერდი—უფასო რეკლამა; მე-5 გვერდი—ფასიანი რეკლამა) განთავსების შესახებ საარჩევნო სუბიექტებმა მასალები უნდა წარმოადგინონ გაზეთის მორიგი ნომრის გამოსვლამდე ერთი კვირით ადრე, სხვა შემთხვევაში აუთვისებელი ფართები გადანაწილდება სხვა სუბიექტებზე.

ფასიანი რეკლამისათვის გამოყოფილ A5 ფორმატზე დაწესებულია 150 ლარი. იმ შემთხვევაში თუ რომელიმე საარჩევნო სუბიექტი მოითხოვს დამატებით ფართს, ფასი დადგინდება ურთიერთშეთანხმების საფუძველზე დადებული ხელშეკრულებით.

„თერჯოლის“ მორიგი ნომერი გამოვა 2024 წლის 15 აგვისტოს.








### სამოცდაათი არაფერია ბატონო კოტე!

კონსტანტინე (კოტე) ჩარექიშვილს სამოცდაათი წელი შეუსრულდა, მაგრამ მიუხედავად ავადმყოფობისა მაინც მხნედ, ვაჟკაცურად გამოიყურება, არა, კი არ გამოიყურება, ჭეშმარიტად არის ასეთი.



კოტემ მიიღო მამის, რაიონში კარგად ცნობილი კაცის, ანტონ ჩარექიშვილის რჩევა და საქართველოს ფიზიკური აღზრდის ინსტიტუტი დაამთავრა, სწავლის პერიოდშიც აქტიური და გამორჩეული იყო. მონაწილეობდა ქალაქის პირველობაზე კალათბურთსა და ხელბურთში. ინსტიტუტის დამთავრების შემდეგ თავის სტუდენტობის დროინდელ გამოცდილებას ჩხარის საშუალო სკოლის მოსწავლეებს უზიარებდა, ახლა, უკვე, როგორც პედაგოგი. სხვადასხვა წლებში მუშაობდა თერჯოლის №2 საშუალო სკოლაში, განათლების განყოფილებაში მეთოდისტად, თერჯოლის საკრებულოში სპორტულ ღონისძიებათა მუშაობის ორგანიზატორად, განათლების განყოფილებაში ფიზიკური აღზრდის მეთოდისტად. განათლების სამინისტროს მიერ მინიჭებული აქვს მეთოდისტი მასწავლებლის წოდება (ამ ტიტულის ფიზიკური აღზრდის პედაგოგთაგან მხოლოდ კოტე ფლობს). 2005 წელს კოტე გადაჰყავთ თერჯოლის ბავშვთა და მოზარდთა სპორტულ სკოლაში სასწავლო ნაწილის გამგედ, 1988-2020 წლებში ჩხარის საშუალო სკოლის ფიზიკური აღზრდის პედაგოგია. წლების განმავლობაში იყო საზოგადოება „ცოდნის“ შტატგარეშე ლექტორი, მეთოდგაერთიანების ხელმძღვანელი, გაზეთების „ლელოს“ და „თერჯოლის“ შტატგარეშე კორესპონდენტი, გაზეთებში სისტემატურად ქვეყნდებოდა და ქვეყნდებოდა დღესაც მისი წერილები რაიონში ჩატარებულ სპორტულ ღონისძიებებზე. ბატონი კოტეს ალსაზრდელები მრავალჯერ არიან გამარჯვებულები რაიონისა და საქართველოს მოსწავლეთა პირველობასა და სპარტაკიადებში, მოპოვებული აქვს მრავალი დიპლომი, ვიმპელი და სხვადასხვა სახის მედელები. მისი ყოფილი მოსწავლეები: ვია ფანჩულიძე, გივი უკლება წარმატებით იცვავენ თბილისის „დინამოს“, ქუთაისის „ტორპედოს“, ტყიბულის „მეშახტის“ და თერჯოლის „საპოვნელას“ ფეხბურთელთა გუნდების დირექტორები. 2019 წელს ჩხარის №1 საჯარო სკოლის მოსწავლეებთან (ოთხი გოგონა, ოთხი ბიჭი) შემოქმედებით-შემეცნებით სასკოლო ოლიმპიადაზე თემამ: „ქართველი ქალი სპორტსმენები ოლიმპიურ თამაშებზე“ გაიარა სამი-რაიონული, რეგიონალური და დასკვნითი ეტაპი და ფიურში მიანიჭა მეორე საპრიზო ადგილი, მოსწავლეები დაჯილდოვდნენ განათლების

სამინისტროს და ოლიმპიური კომიტეტის მიერ შესაბამისი ხარისხის დიპლომებით, მედლით და ფასიანი საჩუქრებით. თვით კოტეს კი ოლიმპიური კომიტეტის პირველმა ვიცე პრეზიდენტმა და ცნობილმა ჟურნალისტმა ელგუჯა ბარიშვილმა საჩუქრად გადასცა მის მიერ გამოცემული ორტომიანი ზაფხულისა და ზამთრის ოლიმპიური თამაშების ისტორიის შესახებ. დაჯილდოებულია განათლების სამინისტროს მიერ სხვადასხვა ხარისხის დაპლომებით.

კოტე ახლა პენსიაზეა, მაგრამ მოსწავლეებს, სკოლას, გაკვეთილებს ვერ შეეღობა, ჩხარის №1 საჯარო სკოლაში სპორტული სკოლის სექციას ხელმძღვანელობს კალათბურთში, ჰყავს პერსპექტიული მოსწავლეები, რომლებიც რაიონის პირველობას არ თმობენ. ხვდებიან მეზობელი ქალაქებისა და რაიონების თანატოლებს და წარმატებებს აღწევენ. მოსწავლეები ქეთი ჩხაძე (ჩხარის), ბარბარე კლდიაშვილი (თერჯოლა №1) თამაშობენ საქართველოს პირველობაზე ქ. ზესტაფონის ნაკრებ გუნდში.

კონსტანტინე ჩარექიშვილი თერჯოლაში კარგად ცნობილი, ან გარდაცვლილი ანტონ ჩარექიშვილის შვილია, ისიც სპორტით იყო გატაცებული, თანამშრომლობდა გაზეთთან, საინტერესო წერილები მოჰქონდა, გარკვეული იყო რაიონის, რესპუბლიკის სპორტული ცხოვრების საკითხებში. კოტეს ოჯახში თავმოყრილია გამორჩეული ქართველი და სხვა ქვეყნების გამორჩეულ სპორტსმენთა ფოტოსურათები, სპორტული ცხოვრების ამსახველი მასალები, სუვენირები, ჟურნალ-გაზეთები, ეს ოჯახის მიკროსპორტული მუზეუმი და მის შექმნაში დიდი წვლილი აქვს ჩადებული ბატონი კოტეს შვილს ტატოს, იგი ღირსეული ბაბუის და მამის კვალს მიჰყვება, სპორტის დიდი მოყვარულია.

ბატონი კოტე სამოცდაათი წლის გახდა, წინ ჯერ კიდევ დიდი ვაზა გასაველი, იგი ჭირდება ჩვენ სასიქადულო ახალგაზრდებს, სპორტის-მოყვარულთ, სკოლებს — მისი დიდი გამოცდილება.

ვულოცავთ ბატონ კოტეს იუბილეს და წარმატებას, დიდხანს სიცოცხლეს და ბედნიერებას ვუსურვებთ.

„თარგოლა“

### სპორტული სასწავლო წელი დამთავრდა

წარმატებული იყო წლები წელი თერჯოლის სპორტული სკოლისა და სპორტულ-გამანჯანსაღებელი მუნიციპალური ცენტრის სპორტსმენებისათვის.

წლის დასაწყისიდან, ვიდრე მაისის მეორე დეკადის ბოლომდე, ამ წარმატებათა თაობაზე „თერჯოლა“ დანერგებით უკვე წერდა. ამჯერად გთავაზობთ სკოლის სპორტულ შედეგებს მაისის მესამე დეკადიდან ივნისის ჩათვლით.

**25-26 მაისი. ქ. მესტია. ლერი ნაკანის სსოვისადმი მიძღვნილი სალიცენზიო შეჯიბრება წიდაობა ძიუდოში.**

გიორგი ლომოტაშვილი 60 კგ. მეორე ადგილი, თემურ ბუცხრიკიძე 55 კგ. მესამე ადგილი.

**24-26 მაისი. ქალაქი ქუთაისი. აკაკი ნუცუბიძის სსოვისადმი მიძღვნილი რესპუბლიკური ტურნირი ბ/რ წიდაობაში.**

გონა ნიკოლაძე (35 კგ), გიორგი ნიკოლაძე (38 კგ), ვაბრილ ნიკოლაძე 40 კგ. პირველი ადგილები. მოსე ამბრილაძე 47 კგ. მეორე ადგილი. გიგა შარვაშიძე (41 კგ), ზაური ქასრაშვილი (70 კგ), მათე ნიკოლაძე 38 კგ. მესამე ადგილები.

**2-3 ივნისი. ქალაქი ბათუმი. საერთაშორისო ტურნირი კარატეში.**

გიორგი რობაქიძე 65 კგ. პირველი ადგილი, გონა ჩაფიძე (70 კგ), ნიკო ვაბრიჭიძე (45 კგ), სანდრო ფანჩულიძე (40 კგ) მეორე ადგილები.

**6-7 ივნისი. ქალაქი ვანი. ანრი გიორგაძის სსოვის მე-2 რესპუბლიკური ტურნირი წიდაობა სამბოში.**

რეზო ხაჭაპურიძე 22 კგ. პირველი ადგილი. ზურა ბოჭორიშვილი 32 კგ. მეორე ადგილი. დათო ლომიტაშვილი (35 კგ), საბა სულამანიძე (55 კგ), თემურ ბუცხრიკიძე (55 კგ), გიორგი ლომიტაშვილი (60 კგ) მესამე ადგილები.

**7-8 ივნისი. ქალაქი დუშეთი. ზაურ სიდამონიძის და ჯემალ გელაშვილის სსოვის ტურნირი ქართულ წიდაობაში.**

ნიკა ბრეგაძე 66 კგ მეორე ადგილი. რატი ზარნაძე 81 კგ. მესამე ადგილი.

**8-9 ივნისი. ქალაქი თბილისი. საერთაშორისო ტურნირი კარატეში.**

გონა ჩაფიძე 61 კგ. მესამე ადგილი.

**15-16 ივნისი. ქალაქი დუშეთი. 300 არაგველის სახელობის ღია ტურნირი „სანდა უშუში“.**

გუგა დიაკონიძე 87 კგ. პირველი ადგილი. დიმა მაცაბერიძე 58 კგ. მესამე ადგილი.

**14-16 ივნისი ქალაქი ბათუმი აჭარის ღია პირველობა სპორტულ აკრობატიკაში:**

მესამე ადგილი დაიკავეს გოგონათა ორეულმა: ირინა გენაძემ, ბარბარე მარუაშვილმა.

მესამე ადგილი დაიკავეს გოგონათა სამეულმა ნინი სახელაშვილმა, მარიამ მოდებაძემ და ბარბარე მაკარიძემ.

მეორე ადგილი დაიკავეს დიდების III თანრიგოსანთა შორის გოგონათა წყვილებში—სოფო გიორგაძემ და ბარბარე ზარნაძემ.

მეორე ადგილი დაიკავეს გოგონათა წყვილმა პატარების II თანრიგში—თეკლა ფანჩულიძემ და ქრისტინა ძონენიძემ.

მეორე ადგილი დაიკავეს გოგონათა სამეულმა ნია ჭანტურიძემ, ანა ვაჭარაძემ და ლიზი ექსეულიძემ.

მესამე ადგილი დაიკავეს გოგონათა წყვილებმა პატარების პირველ თანრიგში. ანი ქორიაშვილი და ბარბარე მაკარიძემ.

**12-14 ივნისი. ქალაქი ბაღდათი. ლევან ებანოიძის და ავთანდილ გურგენიძის სახელობის ტურნირი თავისუფალ წიდაობაში.**

საბა კუტალაძე (48 კგ), გიორგი გიორგაძე (57 კგ) მესამე ადგილები.

**18-20 ივნისი. ქალაქი ჭიათურა. ბეჟან ყაველაშვილის სსოვისადმი მიძღვნილი პირველი რესპუბლიკური ტურნირი ძიუდოში.**

ლუკა კირკიტაძე 60 კგ. მეორე ადგილი. ზურა ბოჭორიშვილი (50 კგ), ტარიელ გამეზარდაშვილი მძიმე წონა, რეზო ხაჭაპურიძე (22 კგ) მესამე ადგილები.

**12-15 ივნისი ქალაქი თბილისი. საქართველოს ჩემპიონატი სპორტულ აკრობატიკაში.**

11-16 საერთაშორისო პროგრამა—გოგონათა წყვილები.

მესამე ადგილი დაიკავე ირინე გენაძის და ბარბარე მარუაშვილის წყვილმა.



11-16 საერთაშორისო პროგრამა—შერეული წყვილები

მეორე ადგილი დაიკავე ნიკა ბუცხრიკიძის და ნიტა პეტრიაშვილის წყვილმა.



15-17 ივნისი. ქალაქი ბათუმი. საერთაშორისო ტურნირი ბ/რ წიდაობაში ჭაბუკთა შორის.

იური ჩაფიძე 51 კგ.— პირველი ადგილი, გიგა ჩაფიძე 51 კგ.— მესამე ადგილი.

იური ჩაფიძე მონაწილეობას მიიღებს ჭაბუკთა შორის მსოფლიო ჩემპიონატზე, რომელიც გაიმართება იორდანიაში.

გუნდები შეჯიბრებისათვის მოამზადეს: ლერი რობაქიძემ, დიმიტრი გურგენიძემ, გიგა ჩაფიძემ, ირაკლი ღონლაძემ, მალხაზი თურქაძემ, ლერი ჯიხვაშვილმა, ონისე ბოჭორიშვილმა, ზურაბ გავაშელაშვილმა, გიორგი კირკიტაძემ, ლალი დიაკონიძემ, თამარ ხოჯაშვილმა.

### ვულოცავთ და წარმატებებს ვუსურვებთ ჩვენს სპორტსმენებს, მათ მწვრთნელებსა და ახლობლებს.

# ჩვენთან არს ღმერთი!

## საუკუნის შემდეგ გოფანმთას წმიდა გიორგის სახელობის ტაძარში წირვა-ლოცვა აღესრულება...

შემდეგ სასულიერო პირებმა მრევლთან ერთად ტაძრის გარსშემოვლით გამოხატეს სიყვარულსა და თაყვანისცემას უფლისადმი.

მრავალმხრივ საინტერესო იყო მეუფე გიორგის ქადაგება. მან გოფანმთას ტაძრის მოქმედ ეკლესიათა რიგებში ჩადგომა მიულოცა მრევლს და პირველი, რაც ისურვა იყო—უფრო მეტი ადამიანი სალოცავებში. მეუფემ ისაუბრა წარსულის მძიმე შეცდომებზე ეკლესიასთან დაკავშირებით. „თუმცა, არის ჟამი ნგრევისა და არის ჟამი შენებისა“.

### პირველი წირვა გოფანმთას ტაძარში

გოფანმთას, წმიდა გიორგის სახელობის ტაძარი უკვე მოქმედი და აქ საეკლესიო მსახურებს თერჯოლა-ტყიბულის ეპარქიის გადაწყვეტილებით მამა ქრისტეფორე (ცერცვაძე) უწინამძღვრებს.

მამა ქრისტეფორე (ცერცვაძე) თერჯოლის ღვთისმშობლის ხარების სახელობის ეკლესიის წინამძღოლია მისი ამოქმედების დღიდან, მისი მსახურება გამორჩეულია და

ტაძარში მრევლის რიცხვი კვლავ გაიზარდა. ასეთ შემთხვევაში მოძღვარი ყოველ კვირაში ჩაატარებს წირვას, ხოლო რწმენითა და იმედით მოსული ადამიანები ზიარების შემთხვევაში სულია და ხორცის კურნებასთან ერთად შეიძენენ ცოდნას როგორ იცხოვრონ ეკლესიურად, როგორ მოიპოვონ სიმშვიდე და ბედნიერება, როგორც ამქვეყნიურ ნუთისოფელში, ისე სამუდამო განსასვენებელში.

წირვა 9 საათზე დაიწყო. ღოცვა, გალობა, საეკლესიო მსახურება ერთი დიდი რიტუ-

ბედნიერი.

მოძღვარმა წესისამებრ მრევლის მონოდეული სიების მიხედვით ცოცხალთა და მიცვალებულთა ღოცვა-მოხსენების რიტუალიც შეასრულა.

მამა ქრისტეფორე გზადაგზა მრევლთან გასაუბრებას და ვაცნობას ცდილობს და ასეთი თანდათან კავშირიც დამყარდება მოძღვარსა და მის სულიერ შვილს შორის, რაც ასე საჭირო და მნიშვნელოვანია. აღსარება, ხომ ის მომენტია, რომელიც შეიძლება შენს ახლობელსაც ვერ უთხრა, და სწორედ მოძღვარს უნდა გაანდო, რომელიც რჩევა-დარიგებით უფალთან დაგაკავშირებთ, შენდობისა და კურნების გზაზე დაგაყენებთ.

მრევლისა და მორწმუნეთათვის მრავალ საგულისხმო და საინტერესო საკითხზე გამახვილდა ყურადღება მამა ქრისტეფორემ თავის ქადაგებაში.

ნაპართა ნამოქმედარზე, სამწუხაროდ, პასუხი შთამომავლობას მოეკითხება.

საუკუნის განმავლობაში წირვა-ლოცვის შეჩერება, მიუთმეტეს, სადაც წმიდა ადგილის მხოლოდ ნანგრევებია შემორჩა, ასეთ შემთხვევაში ითქმება „უპატრონო ეკლესიას, ეშმაკები შეესია“... ჰოდა ახლა, თითოეულ ჩვენთაგანს გვმართებს ვიყოთ ტაძარში ბევრი, რათა განვადგინოთ ის ბოროტება ანუ ეშმაკები ჩვენი წირვით, გულმხურვალე ღოცვით და უფლის დიდებით გამოვისყიდოთ წინაპართა შეცოდება“.

მამა ქრისტეფორემ ისაუბრა აგრეთვე ეკლესიური ცხოვრების მომენტებზე, მარხვის მნიშვნელობაზე. მან თქვა: „სურვილების აყოლა და განცხრომით ცხოვრება, გაუკუღმართებული აზროვნებისა და ადამიანში ხორციელი ცნობიერების მძლავრობის ნიშანია და საერთო არ აქვს ჭეშმარიტ რწმენასთან, რაც უმჯობესია დამყარებული იყოს გამოთქვაზე: „რაც არა განადდეს იგი ჰქმენ, ნუ სდევ ნადილთა ნებასაო“...



სა“, აი სწორედ ასეთი შენებისა და განახლება-აღდგენის მოწმენი ვართ დღეს ჩვენი ყველაწინი და ვფიქრობთ, რომ ეს არის უაღრესად დიდი სიხარულის მომნიჭებელი. მადლობა უფალს ამ სიხარულისათვის“—ბრძანა მეუფე გიორგიმ.

მან ასევე აღნიშნა, რომ „ადამიანი ამ ქვეყანაზე ყველაზე დიდი ფასეულობაა, იგი უფლის ნებით მოვლენილი არსებაა და მისი ხელყოფა დაუშვებელია. ქრისტე ბრძანებს: „მე ვარ გზა, ჭეშმარიტება და ძლიერება“, ადამიანები, ქრისტეს მცნებების მიმდევრები, არასოდეს ჩაიდენენ უმსგავსობას... მთავარია მათ არ განწყვიტონ კავშირი ეკლესიასთან, რომელიც უფლის სახლია. რწმენა, გალობა, ღოცვა, მუდამ უნდა იყოს ეკლესიაში და აქ მოსული ადამიანები, აღივსებიან მადლით...“

მრევლიც მუდამ მრავალრიცხოვანი ჰყავს. განსაკუთრებულად დატვირთული იყო მის მიერ მრევლის სააღდგომოდ მოსამზადებელი მსახურებისა და წირვა-ლოცვის რეჟიმი.

ამოუწურავი შესაძლებლობის, ენერჯის და ღვთისმსახურის საოცარი ნიჭითა და უნარით დაჯილდოებული ადამიანი, რამდენიმე სიტყვით ასე შეიძლება მისი დახასიათება.

13 ივლისი კიდევ ერთი უმნიშვნელოვანესი დღეა ტაძრის ისტორიაში, როგორც მოძღვარი ბრძანებს, „ერთი საუკუნის განმავლობაში შეწყვეტილი წირვა-ლოცვის განახლება დიდი მოვლენა და სიხარულია, რომ ამ სიხარულისა და მოვლენის თანაზიარ ადამიანებზე, უთუოდ, უხვად გადმოინდებდა უფლის მადლი და შეგვენევა ჩვენ ყველას“.

ალბი, რომელიც თითქმის 2 საათის განმავლობაში მიმდინარეობს და რომლის ყოველი ნუთი უფლის სიყვარულითა და ნეტარებით აღავსებს ჭეშმარიტ მორწმუნეს.

ტაძარში მყოფი ადამიანების ერთი ნაწილი აქამდე სხვადასხვა ეკლესიებში ესწრებოდნენ წირვას, თუმცა აქ იყვნენ ისინი, ვინც მოკლებული იყო ამ ბედნიერებას. მათ ერთი სული აქვთ ჩააბარონ უკვე „თავიანთ“ მოძღვარს აღსარება, სათანადოდ მოემზადონ და „ზიარება“ მიიღონ. რამდენიმე ადამიანმა ეს შეძლო და უხარია. სხვები კი დაე-

ლოდებიან შემდეგ წირვას და ეზიარებიან... პირველი ზიარებული პირველ წირვაზე პატარა ნოე ჭანკვეტაძე იყო და შემდეგ კიდევ რამდენიმე პატარა. პირველად ეზიარა ასაკოვანი ქალბატონი ეთერ ლამბაშიძე-მაჩიტაძისა, რომელიც იყო უსაზღვროდ

მოკლებით გაჩენილ ცოდნათა ერთობლიობა არის ადამიანის ბუნების დაცემული მდგომარეობა... მხოლოდ ღოცვით, მხოლოდ ჭეშმარიტი რწმენით, მრავალგზის მონანიებით დაიძლევა ის მძიმე ცოდვა, რაც ამ ეკლესიის დანგრევით ჩაიდინეს ადამიანებმა, ხოლო წი-

მეუფემ მადლიერებით მოიხსენია მამა თეოდორე (გამეზარდაშვილი) და ყველა ის ადამიანი, რომლებმაც წვლილი შეიტანეს ტაძრის აღდგენისა და განახლების საქმეში. მან მადლობა გადაუხადა კურთხევის პროცესის ყველა მონაწილეს, მრევლს, მგალობლებს, სასულიერო პირებს.

ყველაფერი კი უკვდავი „მრავალუამიერო“ დასრულდა, სადაც მგალობლებს მრევლიც შეუერთდა და უღამაზეს, უპირველეს საგალობლის ჰანგებს ტაძრის კედლებმა მეტი ჟღერალობა შესძინა...

ტაძარში იმ დღეს ვაცილებით მეტი ადამიანი მოვიდა. თითოეული ადამიანი მოხუცებული თუ ახალგაზრდა, ბედნიერია და ტაძრის გახსნასა და წირვა-ლოცვას ულოცავენ ერთმანეთს. მრავლად არიან ბავშვებიც ინტერესით და სიხარულით აღვსებული თვალებით... არიან სულ პატარებიც, ისინი მშობლებმა პირველი „ზიარებისათვის“ მოიყვანეს და კიდევ იმისათვის—ეკლესიის მადლსა და სურნელს აქედანვე შეჩვეულნი, გულითა და გონებით აღარასოდეს განეშორონ მის წიაღს...

ყველაზე პატარა 8 თვისაა, ყველაზე დიდი ქალბატონი კი 90-ს გადაცილებული. იმედი,



ლოდებიან შემდეგ წირვას და ეზიარებიან... პირველი ზიარებული პირველ წირვაზე პატარა ნოე ჭანკვეტაძე იყო და შემდეგ კიდევ რამდენიმე პატარა. პირველად ეზიარა ასაკოვანი ქალბატონი ეთერ ლამბაშიძე-მაჩიტაძისა, რომელიც იყო უსაზღვროდ

მოკლებით გაჩენილ ცოდნათა ერთობლიობა არის ადამიანის ბუნების დაცემული მდგომარეობა... მხოლოდ ღოცვით, მხოლოდ ჭეშმარიტი რწმენით, მრავალგზის მონანიებით დაიძლევა ის მძიმე ცოდვა, რაც ამ ეკლესიის დანგრევით ჩაიდინეს ადამიანებმა, ხოლო წი-

„მივართვით მონაწილი, მოსიყვარულე და მადლიერებით სავეტ გული, უფალს“; „ღმერთი წყალობისა და მოწყალებისა, ღმერთი სიყვარულისა და მშვიდობისა იყოს ჩვენთან!“

**ფიანა ცაიფურიშვილი**

<b>შპს „თარჯოლა“</b>	გამომცემელი ვალერიან გოგიაშვილი 599 92 49 75	მთავარი რედაქტორი დავით კლდიაშვილი 599 91 24 14	სარედაქციო კოლეჯია	კორესპონდენტები: ი. მარუაშვილი—0(491) 22 15 16 ჟ. ცხადაძე—558 90 82 55 მ. ცქიფურიშვილი—555 28 11 41	აიწყო და დაკაბადონდა რედაქციის კომპიუტერულ ცენტრში	ჩვენი რეკვიზიტები: „ლიბერთი ბანკი“ LBRTGE22, ანგარიში GE32LB0113133960124000 ს/კ 231948872
	რეგისტრაციის №53/5/ზ-22	გამოდის თვეში ორჯერ	ელ-ფოსტა: <a href="mailto:gazetiterjola@gmail.com">gazetiterjola@gmail.com</a>		მისამართი: ქ. თერჯოლა, კოსტავას ქუჩა №2 დაიბეჭდა ქუთაისის შპს „სომელი ენ“-ის სტამბაში ქუთაისი, ჭავჭავაძის გამზ. №33	